

## COMUNICÂT STAMPE

### ZORNADIS EUROPEANIS DE ARCHEOLOGJIE ai 18, 19 e 20 di Jugn dal 2021



#### **Un apontament cu la storie! Events de Sorintendence ABAP FVG in Friûl-Vignesie Julie**

La Sorintendence Archeologjie, Bielis Arts e Paisaç dal Friûl-Vignesie Julie ancje chest an e aderìs aes Zornadis Europeanis de Archeologjie, inmaneant e partecipant a diviers events tal territori regionâl intes zornadis di vinars ai 18, sabide ai 19 e domenie ai 20 di Jugn dal 2021.

Lis Zornadis de archeologjie in Europe a son gjestidis dal *Inrap*, l'Istitût nazionâl di ricercje archeologjiche preventive de France (*Institut national de recherches archéologiques préventives*) e in Italie a son organizadis dal Ministeri de Culture - Direzione Gjenerâl Museus.

Apassionâts di storie, o pûr dome curiôs, cu la famee o cu la classe, ducj a podaran cjatâ gnovis manieris par svicinâsi ae ricercje e al patrimoni archeologjic.

In zonte al è il program dai diviers events.

# PROGRAM

## - TRIEST E PROVINCE -

### \*Teatri Roman, Triest

**Scree de "Memoria del luogo" - Instalazion di sculture tal viert di Calogero Condello**

**Vinars ai 18 di Jugn**

**des 18.30 aes 20.30**

**Ingrès cun prenotazion**

La instalazion di sculture e à tant che sogjet une cubie che e à i voi sierâts, fate e tornade a fâ in plui esemplârs, par sotlineâ, cu la diversitât des posturis, un contegn di racuelte e di riflessione, di contemplazion e di imersion intal spazi dulintor.

Om e femine a assorbissin la valence storiche architettoniche dal Teatri Roman imaginantsi il disvilup futûr.

Al sarà pussibil viodi la mostre par difûr dal Teatri fin ai 19 di Setembar dal 2021.

**La jentrade e je cun prenotazion obligatorie, di fâ a cheste direzion: [condello1954@gmail.com](mailto:condello1954@gmail.com)**

### \*Grote dal Mitreo (Nabresine - TS)

**Viertidure de aree archeologjiche**

**Sabide ai 19 di Jugn**

**des 10.00 aes 12.00**

**Ingrès cun prenotazion**

Visite par scuvierzi la Grote dal diu Mitre, divinitât di origjin iraniche leade al cicli dal soreli e des stagjons. La grote carsiche, frecuentade fin de età neolitiche, e je stade adatade in ete romane (dal secul II al V d. di C.) a lûc di cult dal diu Mitre, religjon salvifiche rivade te Rome imperiâl midiant des legjons che a stavin in Orient. Inte **ambientazion sugestive de Grote** al sarà pussibil osservâ i calcs dai rilêfs di calcâr cjatâts dentri dal sît, adun cun cualchi iscrizion cun nons di oferents.

Si consee di meti sù scarpis sportivis adatis e di puartâsi daûr une bocete di aghe.

**Par informazions e prenotazions: [flondar@libero.it](mailto:flondar@libero.it); tel. +39 3396908950**

## - UDIN E PROVINCE -

### \*Cjase Bertoli, Aquilee (Vie Patriarca Popone)

**Viertidure straordenarie**

**Sabide ai 19 di Jugn**

**Orari 10.00-13.00**

Dilunc dal viâl che al puarte a place Capitolo e ae basiliche, si cjate Cjase Bertoli, dal non dal cjaluni Gian Domenico Bertoli che tal Sietcent al fo a stâ li e che al à publicât une des primis ricercjîs anticuariis su la citât antighe.

L'edifici al è almancul dal secul XIII, ma tal timp al è stât modificât e abelît plui voltis, cuant che al ospitave cualchi cjaluni di Aquilee.

Un dai deans dal Cjapitul, Doimo Valvason, al intervignì te façade intal 1478, decorantle cuntun motif a scacs blancs e ros e fasint chel biel barcon a crosere tal salon centrâl, che si viôt cumò parsore de puarte cjaradorie. Altris lavôrs a son dal Sîscent, soreddut te part meridionâl dal edificî. *Par cure de Sorintendence ABAP F.-V.J. e de Associazion Nazionâl par Aquilee.*

### **Si pues jentrâ fin che si rive ae capience massime dal spazi**

#### **\*Aquilee, aree archeologjiche**

#### **ZORNADE DI VIERTIDURE**

#### **Visitis cul archeolic des areis archeologjichis e dai cantîrs di sgjâf**

**Sabide ai 19 di Jugn**

**Oraris: 10.00 - 13.00; 16.30 - 19.00**

Archeolics, studiôs e restauradôrs des Universitâts di Padue, di Triest, dal Friûl, di Vignesie e di Verone, de Sorintendence Archeologjie, bielîs arts, paisaç dal F.-V.J. e de Fondazion Aquilee us spietin li dai sgjâfs par contâus lis ultimis scuviertis e i risultâts des investigazions plui resintis fatis a Aquilee.

*Par cure de Fondazion Aquilee, de Sorintendence ABAP F.-V.J. e des Universitâts partecipantis.*

#### **Jentrade libare cence prenotazion.**

**Areis visitabilis:** *Forum - Decumanus* e cente a zigzag - Termis grandis - Teatri - Puart fluviâl - Spuinde orientâl dal puart fluviâl - Cjase dai Pups danzants - Cjase des Bestiis feridis - Marcjâts - Font Cal.

### **- PORDENON E PROVINCIE -**

**\*Vile romane** (Pordenon, localitât Tor - Vie Vittorio Veneto, drentri dal Parc comunâl dal Nunciel)

#### **Visitis vuidadis e ativitâts didatichis**

#### **Ativitâts cun prenotazion**

La vile e je stade scuvierte dal cont Josef di Ruvigne che tra il 1950 e il 1952 al à sgjavât une part des structuris di un complès residenziâl produtîf avonde grant, logât dongje dal flum Nunciel, decorât cun ricjece midiant di pituris a fresc refinadis e di marmui di cualitât.

Par informazion e prenotazions: Museu Archeologjic dal Friûl Occidentâl

/ EUPOLIS **info@eupolis.info; tel. 0434-541433**

**Il calendari di ducj i events des Zornadis Europeanis de Archeologjie si pues consultâlu tal sît**

**<https://journes-archeologie.fr/c-2021/ig-it/Italia/le-giornate-dell-archeologia-in-Europa>**

**ARLeF****Agjenzie Regionâl pe Lenghe Furlane**

via della Prefettura, 13

33100 Udine

tel. +39 0432 555812

email: arlef@regione.fvg.it

pec: arlef@certgov.fvg.it

Triest, ai 16 di Jugn dal 2021

Ufici Comunicazion e Promozion de Sorintendence Archeologjie, bielîs arts e paisaç  
dal Friûl-Vignesie Julie

**Contats:**

pueste eletroniche: [sabap-fvg@beniculturali.it](mailto:sabap-fvg@beniculturali.it)

tel: 040 4527511 (Sede di Triest) / 0432 504559; 0432 511056 (Sede di Udin)

http://www.sabap.fvg.beniculturali.it/

https://www.facebook.com/SABAP.FVG